

金石萃編補正

掃葉山房
唐駝署

金石萃編補正

卷之五

金石叢編補正

國民五十年號



掃葉山房商標

石印金石萃編補正序

青浦王氏金石萃編百六十卷起三代而迄金武進陸氏續編二十一卷亦起漢而迄金誠如錢竹汀學士言宋以後好碑少耳獨大興方孝聞大令所著金石萃編補正起于梁而迄元於元人石刻得十八種皆釋其全文而綴以跋尾考證一如王氏陸氏之例大令可謂好古之摯者矣慨自石刻日亡漢魏善本不多見不得已而思其次至于唐宋亦可謂觀止矣而士大夫搜奇衒異之心且層出不窮顧不暇計其書法之有裨後學不也是編大都皆賞鑒家素未經眼者足以補前編續編之闕而於元人篆古文字及當時謠體俗語皆條分而縷

晰之其字畫之詭異體例之並襍文詞之俚鄙亦自來
石刻所未有亟宜傳之以廣金石之例烏程吳申甫太
學得抄本于蘇州思付手民與王陸所著合而為一而
索觀者眾迫不及待乃先用泰西石印法以應同志之
求暇日再當詳加編校壽諸棗梨以成不朽之業庶
幾與方大令共垂千古云印既竣屬書數語于簡端
光緒二十年甲午桂子秋風時節桐城張祖翼書于上
海客次



金石萃編補正目錄

梁

永陽昭王蕭敷墓誌

普通元年

永錫敬太妃墓誌

普通元年

北齊

石鞬門銘

天保八年

明空造像

河清二年

平等寺碑

武平二年

唐

杜公墓誌

儀鳳二年

大德寺造像碑

武后證聖元年

蘇文貞公碑景雲元年

王仁皎碑開元七年

慶唐觀紀聖銘開元十七年

殘碑二石開元二十八年

洞清觀鐘款開元二十九年

哥舒翰紀功碑

元靜先生碑大曆七年

裴耀卿碑元和七年

張夫人誌元和十四年

重修□□碑太和元年

青衣洞邢全題名開成元年

再建圓覺大師塔誌 大中七年

盧姚婆墓誌 大中七年

宋

錢忠懿王神道碑銘 端拱元年

法海院石塔記 咸平四年

法門寺重修九子母記 慶厯五年

禮真身塔詩 皇祐元年

慶豐堂記 皇祐五年

三賢書贊 嘉祐四年明成化十二年重刊

石輅墓誌銘 元祐八年

鐵人題款 紹聖四年

旌賢院牒

大觀元年

祭昭濟聖母及汾東王文

宣和五年

金

寶寧禪師塔銘

皇統八年

英上人塔記

承安四年

元

姜太中晉祠詩詞碑

至元十八年

謝公修石壁寺記

至元二十一年

法王寺請玉公長老疏

元貞二年

請就公住持少林寺疏

皇慶二年

滿公道行碑

延祐元年

海公道行碑

延祐三年

隴西郡伯李公墓碑

延祐五年

晉祠游詠並刻石記

延祐五年

天寶宮碑陰題名

天厯二年

請亮公長老疏

至元二年疑當為至正二年

天寶宮聖旨碑

泰定三年

天寶宮張真人道行碑

泰定三年

重修晉祠記

至正二年

洞林寺藏經記

至正二年

洞林寺聖旨碑

洞林刻書序

至正二年

金石錄卷之二
游晉寺詩序

至正五年

靈隱大師長供記

至正六年

附
澠池新鄭鹿邑碑目

右碑文五十種方彥聞先生所錄也先生名履錢世居大興自高祖居常州遂為郡人而仍著籍大興嘉慶二十三年舉人官福建閩縣知縣問學博邃工為駢體文又篤好金石嘗歷游冀兗青豫遇殘碑斷碣必手搨其文故是編所錄於中州為多正王氏金石萃編譌者若干補其缺者若干而篇第多未次序蓋未成之書也寶山

毛休復丈與先生善嘗假是書鈔其副而屬志述為

校勘并依時代編次之用別為補目錄於前且稍稍
正其參錯云道光十九年歲次屠維大淵獻九月甲
辰武進黃志述謹記於暨陽書院生雲垂露之軒
昔錢竹汀少詹言宋以後碑好者頗少惟引李南澗一
人為同志今讀此四冊自唐以下凡宋金元等各碑一
一手釋其文纖悉無遺我彥聞先生可謂真知篤好矣
惜不起少詹見之時道光八年十月十日元和顧千里
觀并記

舅氏彥聞先生金石萃編補正四卷黃仲孫志述重編
次此蓋從黃本重錄者用辨志書塾紙則亦同肄業於
李鳳臺之人可知書額朱字即或李鳳臺書光緒丙子

假之仁和龔君宅耕校讀因記陽湖趙烈文

金石萃編補正卷一

大興 方履錢彥聞

梁永陽昭王蕭敷墓志

正書
祿本

普通元年十一月

故侍中司空永陽昭王墓誌銘

尚書右僕射太子詹事臣徐勉奉

勅撰

公諱數字仲達蘭陵蘭陵人

皇帝之次兄也炳靈聖緒體自璇源積德累仁之基配
天經營之業固以詳乎二策載在六書今無得而稱矣
公夙挺珪璋早標時譽風儀口朗神鑒淵凝孝友天至
率口而盡義讓因心無侍傍習行為表綴動成鎔範斟
酌流品肴核羣藝莫不採其英華振其經領雖墻宇重

仞而溫其如玉氣厲秋霜而體含春露故游之者未識

涯涘挹之者虛往實歸加以冲謙下物傾身接士愛好

閑靜雅善談諷寵辱不干懷抱喜愠因滯自矜汪汪焉

亹亹焉固不可量已解褐齊後軍長沙王行參軍武陵

王始開戎號妙簡賓僚又行參冠軍征虜二府軍事入

為太子舍人濯纓承華清風載穆衡陽王冠婚禮備開

口彼十以公為文學稱為盛選俄遷太子洗馬又為南

海王友洗馬之職既允儀形會友之任實弘斧藻裝本

此處誤于南海王下接職既允儀形會友之任寔弘斧

友先馬之獨藻十八字文義偵錯今為改正于上下紙

色接筭處亦甚合惟多一獨字不知當置何處長虞公
姑闕疑以俟他日得未裝本再校正之可也
幹莫或加焉出補丹陽尹丞復入為太子中舍人三陟

龍樓仍厯坊禁清談時論咸以為榮司部濱接蠻虜亟
有充斥漢東之國貽憂西顧以公兼姿文武出為建威
將軍隋郡內史下車隱恤威德大著時獫狁侵逼義陽
四山互相影響郡內孤危兵糧竭弱公深加獎厲視險
若夷於是百姓相携入城二中殆無復相容處咸曰賊
若能來必為府君死戰物情如□□□窬遂息於是關
拆清夷民俗殷阜進號寧朔將軍內史如故久之徵為
後軍廬陵王諮議參軍從容諷味雅有弘益天不憖遺
遠途未至以齊建武四年八月六日薨春秋卅有七知
與不知咸嗟殄悴

聖上應期革命受終文祖覽周南而雪涕詠常棣而興